



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbdb@jtbdb.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbdb@jtbdb.ba

Broj: T18 0 KT 0016165 22
Brčko, 07.12.2022. godine

**OSNOVNOM SUDU
BRČKO DISTRIKTA BiH**

Na osnovu člana 35 stav (2) tačka i) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

- SUN BAOWEI** ... rođen 1970. godine u mjestu Wuyangxian, pokrajina Henan, u Republici Kini ... boravio u pritvoru po rješenju Osnovnog suda Brčko distrikta BiH broj 96 0 K 147056 22 Kpp 3 od 07.05.2022. godine do 19.05.2022. godine,
- SUN XUDONG** ... rođen ... 1981 godine u pokrajini Henan, okrug Wuyang, Republika Kina boravio u pritvoru po rješenju Osnovnog suda Brčko distrikta BiH broj 96 0 K 147056 22 Kpp 3 od 07.05.2022. godine i rješenju Osnovnog suda Brčko distrikta BiH broj 96 0 K 147056 22 Kpp 6 od 31.05.2022. godine do 21.06.2022. godine,
- WANG SHURUI** ... rođena1977. godine u pokrajini Zhejiangu, grad Wenzhou, Republika Kina, lišena slobode dana 05.05.2022. godine u 23,40 časa od strane ovlaštenih službenih lica Policije Brčko distrikta BiH,

Što su:

- Sun Baowei, Sun Xudong i Wang Shurui, zajedno**

Dana 05.05.2022. godine oko 09,00 časova u Brčkom, zajedno i po prethodnom dogovoru, u prisustvu dva telohranitelja Sun Baowei i to M. J. i J. B, iz hotela „NEA Boutique Hotel“, koji se nalazi u ulici Jovana Dučića, izveli oštećena lica Z. J. i H. G., pa u namjeri da Sun Baowei i Sun Xudong od Z. J, iznude dug iz ranijeg poslovanja, te uz prijetnje i korištenje prisustva telohranitelja M. i J, svjesni radnje koju namjeravaju preduzeti, natjerali Z. i H. da uđu u putničko motorno vozilo marke „Volvo Hc 60“ registarskih oznaka ..., u koje vozilo su pored njih dvojice ušli M, J. i Wang Shurui, radnica Sun Baowei, dok su se Sun Baowei i Sun Xudong nalazili u drugom vozilu, nakon čega su Z. i H. odveli u stan Wang Shurui, u ulici ... br. 8 u kome ona živi i koji iznajmljuje, a koji je Wang Shurui po svom prijedlogu dobrovoljno dala na korištenje, kako bi se u njega zatvorili Z. J. i H. G, gdje su njih dvojica držani protiv svoje volje, onemogućivši im bilo kakvo kretanje i pri tome uslovljavajući ih da što prije Baowei-ju na ime nastalog duga iz ranijih poslovnih odnosa vrate iznos od 125.000,00 evra, pri čemu im je Xudong pokazivao pištolj i palicu te prijetio napadom na život i tijelo, dok je Sun Baowei upućivao ozbiljnu prijetnju da će im polomiti noge i ruke, a istovremeno M. i J. su im govorili da neće izaći iz stana dok se ne riješi problem sa novcem, ukazujući im čak da znaju gdje su njihove porodice, pa im je i Wang Shurui ukazivala na ozbiljnost prijetnji Sun Baoweia i Sun Xudonga, jer oni neće imati dugo strpljenja, koje ubjeđivanje i prijetnje su prema oštećenima trajale sve do večernjih časova, uz uslovljavanje da neće biti pušteni dok traženi novac ne bude prebačen na račun, kojom prilikom je Z. J. koristeći telefon, koji mu nisu oduzeli, jer su mu putem njega dozvoljavali kontakte sa poslovnim partnerima radi slanja novca, uspio poslati poruku kojom je tražio pomoć od svog prijatelja Q. W, koji je ovaj događaj oko 19,00 časova prijavio Policiji Brčko distrikta BiH,

dakle, drugog protivpravno zatvorili s ciljem da ga prisile da što učini i radi ostvarivanja cilja otmice prijetili da će oteto lice lišiti života i da će ga teško tjelesno povrijediti,

2. Sun Xudong, sam

Dana 05.05.2022. godine, u ulici ... broj 8, Brčko distrikt BiH, svjestan da ne posjeduje važeću ispravu o oružju, te da je građanima zabranjeno nabavljanje, držanje i nošenje oružja kategorije „B“, protivno članu 7 stav (3) Zakona o oružju i municiji Brčko distrikta BiH, neovlašćeno držao dva pištolja, jedan marke „M70 Crvena zastava“, kalibra 7,65 mm, drugi marke „M57“ kalibra 7,62 mm u kojem su se nalazila četiri pripadajuća metka, koje oružje se svrstava u oružje kategorije „B“ iz člana 6 tačka b) alineja 1) Zakona o oružju i municiji Brčko distrikta BiH, a koje su pronašli policijski službenici Policije Brčko distrikta BiH prilikom obavljanja uviđajnih radnji, u spavaćoj sobi na ležaju ispod uzglavlja i na terasi u obući, jer ih je na tom mjestu Sun Xudong sakrio neposredno pred ulazak policije u stan,

dakle, bez važeće isprave o oružju držao oružje kategorije „B“,

čime je, **Sun Baowei pod tačkom 1.** učinio krivično djelo -Otmica- iz člana 177 stav (2) u vezi sa stavom (1) Krivičnog zakona Brčko distrikta BiH, a sve u vezi sa članom 31 Krivičnog zakona Brčko distrikta BiH, **Sun Xudong pod tačkom 1. i 2.** učinio krivično djelo -Otmica - iz člana 177 stav (2) u vezi sa stavom (1) Krivičnog zakona Brčko distrikta BiH u sticaju sa krivičnim djelom -Neovlašćena nabavka i držanje ili prodaja oružja ili bitnih dijelova za oružje- iz člana 65 stav (1) Zakona o oružju i municiji Brčko distrikta BiH, a sve u vezi sa članom 31 i 54 Krivičnog zakona Brčko distrikta BiH, a **Wang Shurui pod tačkom 1.** učinila krivično djelo -Otmica- iz člana 177 stav (2) u vezi sa stavom (1) Krivičnog zakona Brčko distrikta BiH, a sve u vezi sa članom 33 Krivičnog zakona Brčko distrikta BiH.

[...]

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
